

趙恭毅公自治官書類集

趙恭毅公哀榮崇祀錄卷之二十三目次

長沙何祖柱附梓

賜謚碑文

諭祭文

加贈太子太保謝恩呈詞

神道碑銘

墓誌銘

白雲傳人傳

湖南崇祀名宦錄

九屬紳士公呈

湘潭縣紳士公呈

謚恭毅趙公事實

儒學看詳

藩臺看詳

三院批詳

常州府崇祀專祠錄

閩郡紳士公呈

常郡武邑兩學公覆

兩學廩增附結狀

里隣炭長結狀

謄恭毅趙公事實

儒學看詳

儒學結狀

本縣看詳

本縣印結

本府看詳

本府印結

潘臺看詳

三院批語

奉主入祠祝文

趙恭毅公哀榮錄卷之二十三

長沙何祖柱附梓

賜諡碑文

勅賜戶部尙書兼管錢法事務諡恭毅趙中喬碑文  
人臣圭荷殊知身都顯仕必其公忠矢志清白持躬表  
率百司綜覈庶務斯生邀異數沒易嘉名被以渥典風  
茲有位爾趙中喬早自甲科擢登郎省旋從家食特責  
綸書任一路之蕃宣賜兩邦之節鉞訟庭酌水吳越挹  
其清風旃舍懷冰湖湘傳夫惠政遂階憲府復陟司農

爾能念絕營私心存體國夙興夜寐事每集於恪勤食  
淡衣麤行仍同乎寒素嗣以衰年引疾溫諭慰留俾就  
休閑勉輔醫藥蠲其逋帑復以原官謂疴恙之當瘳詎  
奄徂之遽告悼傷之懷彌切褒卹之典加隆嗚呼以爾  
小心匪懈故曰恭以爾大節不撓故曰毅而要以廉爲  
本周官以之獎吏漢代由此取人惟爾操履臨老不渝  
爰樹豐碑揭之隧道守官者念之哉其務杜苞苴飭簠  
簋典言前勸知所勸焉

康熙六十年四月

日

諭祭文

維

康熙六十年歲次辛丑十一月戊子朔越八日乙未

皇帝遣江南承宣布政使司叅政督理蘇松常鎮糧儲道分守蘇松地方事務楊本楹

諭祭戶部尚書兼管錢法事務諡恭毅趙申喬之靈曰  
國家綱維庶務首在六曹咨乃司徒用典邦賦果其兼  
閭衆著敬慎有加斯眷倚隆於生前哀榮備於身後凡



以念成勞昭令典也爾趙申喬矢志公忠賦姿端亮始  
由邑宰擢在臺郎嗣家食之優游忽璽書以徵召起授  
蕃宣之寄旋膺節鉞之司心恒凜於四知風清浙右弊  
悉祛於百吏政肅湖南遂登憲府之崇班復晉司農之  
要秩始終若一務清介以立身夙夜不遑殫精勤而奉  
職比以高年屬疾拜疏乞休慰以溫綸賜之良藥蠲應  
償之國帑復已削之官階庶幾懷抱可舒沉綿可起遽  
聞徂逝深用盡傷命上公以臨喪遣禮官而致奠以爾  
棧直之忱無改平生潔白之操彌貞晚節小心每形於

篤棐戎事亦躬爲率先爰錫嘉名曰恭曰毅嗚呼賡方  
嚴之素履舊德如存頒優渥之新恩榮光特賁茲芬用  
薦靈爽斯歆

加贈太子太保謝 恩詞

江南常州府武進縣舉人候補中書趙鯉詔率姪  
監生修書議敘知縣趙侗敦呈為

聖慈褒卹有加臣心感激無盡銜懇代題恭謝

天恩事職父戶部尙書趙申喬仰荷

聖祖仁皇帝不次擢用終始於全身歿之後

天心軫惻備加優卹優

賜諡恭毅

勅給碑文眷遇隆渥闔家焚頂今又蒙

皇上垂念効力舊臣

特施追卹曠典職父趙申喬加贈太子太保伏念職父  
生前受

恩報効未終歿齒遺恨茲荷

綸褒於身後曷勝銜結於重泉職等生生世世卽捐  
糜頂踵未足仰酬萬一伏乞

憲臺俯鑒愚忱准賜代題恭謝

天恩則歿存均佩鴻慈弗朽矣爲此上呈

巡撫部院吳

批

仰候據情代

題

神道碑銘

皇清諸授資政大夫戶部尚書 特贈太子太保趙恭

毅公神道碑銘

今天下士無賢不肖稱述當代大臣有風節操行廉潔  
著聞者必首武進趙公

先帝屢諭廷臣清廉幹辦實心任事亦必以公爲稱首  
昨歲公病再疏乞休蒙

溫旨慰留卿効力年久清勤自勵又云到老清廉爲人  
樸直古之人得一人知已可以不恨而况公之受知於

先帝者乎公前以事鐫職又有分貽隨平餘銀一案至是特予公原官免其追帑并諭內閣速將此旨傳去令病人早知庶服藥可效也嗚呼

先帝知公之深待公之厚誠有家人父子所不敢望者旁觀者捧讀

上諭猶爲感泣而况公身被其遇者乎逾月公病果漸愈勉起視事又數月復病病增劇猶日治事署中同官勸之歸僅數日遂以不起口授季子鯉詔繕遺疏奏聞上爲震悼命少司寇張公廷玉暨宗室侍衛某等至邸

第臨奠給全祭壆賜謚恭毅近歲自尚書以下希得全  
備卹典蓋異數也時公長子熊詔方在軍前密旨召歸  
令扶公喪還塋於是熊詔與其弟鯉詔持公狀衰經踵  
門稽顙乞余文其墓門之碑余與公同舉進士又同朝  
日久相器重其敢以辭公諱申喬字松伍常州府武進  
縣人喬出宋魏王德昭後傳十四世曰叔珍者孤貧依  
外家始遷於常又數傳至公祖諱名臣始以儒術顯父  
諱繼明崇禎庚辰進士除湖廣公安令以廉最遷兵  
部軍駕司主事迄公貴兩世皆贈資政大夫左都御史

祖母高氏前母及母皆自氏贈太夫人公生有異徵太夫人甫臨蓐見紅光滿室已而誕公數歲通五經辛丑應童子試以七義冠合郡壬寅食廩餼已酉登賢書庚戌成進士踰年遭外艱辛酉策仕商丘令地煩劇多盜公嚴行保甲法益以歛跡縣版藉田與糧不相核公戶給一單隱田者得以自首而虛糧盡皆豁除村民有被殺者不得主名公乘夜往驗四鼓宿古廟於其隣家得一血袴立訊吐實人以爲神先是廟爲妖狐所據忽見夢於士人曰某夜有文曲星吾當避舍及公來止宿是



其夕也行取授刑部主事戊辰丁內艱歸服闋補前職  
遷員外郎踰月以疾請假恬退里居游歷七載辛巳  
特旨召見超擢浙江布政使故事曹郎無出領大藩者  
公超越數資不循常格蓋是時

先帝已心識公賢將大用矣陛辭日立誓不受屬員餽  
遺不收司庫羨餘策蹇就道之任三日首請革南糧口  
袋之弊憶嚴飭州縣無得重耗收兌屬邑錢糧革除陋  
規吏民歡呼載道旋陞浙江巡撫首下令無設供帳清  
嚴約束一如前任藩司時杭州城與錢塘江相逼近潮



上諭勒石通所屬郡縣積弊頓除又驛鹽諸司向爲叢  
蠹之藪公釐剔弊竇盡除舊日規例嚴飭屬員無得恣  
行尅減以擾驛站多方求取以病商民由是驛遞肅清  
鹽價得平公又念大法爲小廉之本上行爲下效之實  
因特下條教言郡守者州縣之表率監司者郡縣之標  
準而督撫尤各屬之權衡也巡撫倘有不肖之念非法  
之事卽當共聲其罪使不得一日立於民上若巡撫正  
已率屬自問無愧而所屬各官仍前貪冒無厭互相容  
隱箝簡一登聲名俱敗由是全省官吏惕惕畏法奉公

恐後矣時科臣戴璠條奏請留貯各省耗贈漕截銀米  
勿先給運丁公以湖南運道偏遠窮丁枵腹豈能勝此  
重運照舊例預給二耗米石於運丁乃具疏以請奉  
旨俞允又營兵給餉毋於正月支領時地丁尙未開徵  
州縣那移於一時不得不預征於平日官民交累疏請  
以隔歲解存米石撥給兵餉庶兵有飽騰之樂民無預  
徵之苦亦奉

俞旨至司鐸一官類皆窮老之士而湖南北介以洞庭  
之險銓除赴任率多踰限公請以湖南北就近分選而

竊儒老生無險阻之慮矣凡公在湖南因革舉置皆務  
濟實用不爲沽名市恩而疾惡如仇掛公彈章者纍纍  
然人率服公之無私而不怨也辛卯擢都察院左都御  
史民扶老攜幼焚香泣送亘千里不絕郡建崇祠祀公  
又刊公奏章文檄名曰趙公實政錄以垂法戒云卽掌  
御史蠲滌苛細每事持大體以推廣

上德意初直省錢糧三年輸蠲而大同潼關米荳草束  
未預蠲赦之條公具疏援奉天臺灣例一體恩蠲時大  
同荒旱特甚

命旨一頒菜色立起又疏請將民房地租舊欠照地丁錢糧同邀蠲免奉

旨先行列入六十二年

萬壽恩詔中癸巳粵東歲稔奉

命往賑設法平糴商賈輻輳民皆鼓腹甲午遷戶部尙書戶部筭輪天下會計公勾稽詳慎不敢徇私稍糜國帑各省解冊到卽驗收畧無留滯官民德之旗人李必達者爲王庄庄頭請撥滄州旗退地若干畝公按滄州地畝民間納糧已久若更給旗人則窮黎失業

皇上一視同仁旗民原無厚薄李必達所請應聽別處撥給奉

旨允議又買賣人馬維屏等願輸銀二萬兩領出大錢收換小錢改鑄公言小錢難以驟禁故暫行展限若聽馬維屏等所請則錢價必致騰貴多事擾民爲害滋甚上亦聽之其餘公所論奏或衆以爲可而事有不便公不敢附衆議爲雷同或衆以爲非而事確可行公亦不嫌違衆論而獨立然兩議並奏

先帝嘗獨是公言又九卿會議有未當

上意者

上令再議人或依回可否不能堅持其說惟公侃侃論  
奏先後輩未嘗一事妍阿自媚於上而

先帝終不以爲忤也卽終忤

上意而公亦不以爲悔也嘗按明孝宗時三原王端毅  
公恕爲吏部尙書天下屬望時人曰兩京十二部獨有  
一王恕每時政缺失人必曰王公何不言否則曰王公  
疏已至矣今天下之望公與明世之望恕者何以異時  
謂恕賢且老當在內閣叅大政孝宗曰吾用蹇義王直



故事有謀議無不預何必內閣也今以公之賢

先帝知之深而未及柄政

先帝用意殆亦類此方公撫偏沅時與提督俞益謨計  
奏時論未知

上意所左右而

先帝之是非曲直早已洞燭久之卒用公而黜益謨近  
爲大司農兩奉革職留任之

旨又奉原籍查產之

命人或疑先帝已心厭公故有意挫折之一時官吏深

文周內遂無不至而豈知

先帝之信倚公終始如一未嘗稍有齟齬部檄江南查  
家產上官疏叅家屬究比

上特原之勿問公病而復職免祭公歿而厚加卹贈哀  
榮備禮賜謚碑文云以爾小心匪懈故曰恭以爾大節  
不撓故曰毅然後知

先帝天地之公日月之明固非世俗小人豎子所得而  
窺覷其萬一者也夫自古君明臣直相得之艱而

先帝之於公信之專任之篤歷數十年不替千百世下

讀書論世者觀

先帝與公君臣之際亦足以鼓天下忠直之氣而立頑懦之風矣

今上卽位追念公宿望舊德加贈公太子太保蓋公之忠誠著信於

兩朝被遇於身後者如此嗚呼盛哉公自起家縣令歷開府九卿絲粒皆取給於家未嘗用官署一錢事無鉅細手自決擇不資幕客每夜秉燭治官書達旦晨出視事竟日不倦有投牒者一見問姓名數年後猶能識之

人以張睢陽爲比令商丘時民間病瘧用紅箋書公姓名縛臂瘡卽已又以擬諸桓鎮惡也辛卯主順天鄉試壬辰戊戌兩主禮部會試得人爲盛壬辰乙未再爲殿試讀卷官癸巳

萬壽預養老盛典先後蒙

上恩賜御書御製及尙方珍異之物不可數計也公操履剛方識力彊毅人以爲凜然不可犯而忠厚愷惻樂善不倦有一言一事之幾於道終身識之不忘或遂形之薦剡敦行孝弟篤厚師友尤非矯託廉吏之目以自

使其銘刻之私者所可同日語也公生於順治元年甲申六月十八日卒於康熙五十九年庚子十月二十七日年七十有七歲配龔氏誥贈夫人登第後龔夫人卽謝世公誓不更娶篤於糟糠之義又如此子四人長熊詔己丑進士殿試第一翰林院待讀次鳳詔戊辰進士原任太原府知府次鶴詔早卒次鯉詔戊子舉人孫男曾孫男詳具於狀諸孤熊詔等於辛丑夏扶公靈輜歸第以是年十月二十七日合窆於龔夫人棲鸞鄉黃塘之兆而余爲其墓門之碑旣件繫公事并綴以銘銘曰

不欺者公之心不同者公之志潔清者公之操勤敏者  
公之行出爲屏藩秉節鉞入持風憲司喉舌歷官四十  
餘載而終始如一轍蕪子瞻有言肅望之爲太傳近古  
社稷臣其爲馮翊民未有聞黃霸守潁川治行第一及  
爲丞相名不迫昔惟清獻公無適不宜邦之可直民之  
父師今余援蕪子之言以銘公之墓清獻之與紫微蓋  
相望於一千載之後而同軌合度豈非趙氏世德可以  
徵信亦使天下後世拜公之墓者忠正之士有所企慕  
而貪鄙之夫知所愧悟云爾

光祿大夫經筵講官文淵閣大學士兼禮部尙書加七級致仕同年王揆撰文

光祿大夫太子太傅吏部尙書都察院左都御史兼管會考府事加三級門生朱軾篆額

翰林院編修改授戶科給事中今掌印加一級門生王河書

墓誌銘

皇清誥授資政大夫戶部尙書兼管錢法堂事務謚恭毅趙公墓誌銘

賜進士出身通議大夫巡撫浙江等處地方提督軍務都察院右副都御史加三級治年眷姪屠沂頓首拜撰文

賜進士出身通議大夫宗人府府丞加一級受業吳梁頓首拜篆蓋

賜進士及第翰林院修撰加一級受業王世琛頓首拜



書丹

今上之五十九年十月二十有二日資政大夫戶部尚

書兼管錢法事務武進趙公薨於位

上聞震悼越五日

特命南書房刑部侍郎張公介宗室公及侍衛六人臨

其喪有加禮已復

命禮臣時典禮以聞

賜卹如制謚曰恭毅越明年四月公之孤熊詔鯉詔御

公櫬歸第十月二十有七日合窆於公配

誥贈夫人龔氏之壠其地曰棲鸞鄉之黃塘時公之冢  
孤及婦連喪倉卒治大事銘誌未具又一年鯉詔  
手狀走杭州泣請於予予於公屬後進又同官於  
朝屏朝夕久知公行事頗悉公前撫楚予鄉之父  
老思公不啻甘棠之思召公也鯉詔又予門下士  
予忝任浙浙亦公舊治知公益詳不敢以不文辭  
公諱申喬字慎旃號松伍宋魏王德昭後十四世  
而遷於常郡西鄉以農爲業又八世至元台公元  
台公生止安公是爲公祖父以公貴並累贈如公

官王妣高氏前妣白氏生四子皆早薨繼白氏賓  
生公俱贈夫人止安公諱繼鼎前庚辰進士令楚  
之公安有惠政遷兵部車駕司主事萬革初以族  
難避地江北變姓名賣卜事定歸授生徒自給稱  
江南老教書公之將生也太夫人見紅光滿室已  
而舉公年十八應童子試以五經冠一郡踰年食  
餼已酉登賢書庚戌成進士初任河南商丘縣知  
縣秋滿陞刑部主事以內艱去官服闋補原官遷  
本部員外郎告假回籍奉

特旨召見超授浙江布政使陞浙江巡撫調撫偏沅陞  
都察院左都御史遷戶部尙書

萬歲覃恩

誥授資政大夫公少從父讀書止安先生課甚嚴釋褐  
後仍授莒院江以東修之入供其職其令商止也  
邑號繁劇難治公夜燭治官書晨出視事端坐常  
竟日值歲大旱它縣救災者率聚饑民城郭中多  
疾疫相繼藉死胥吏且緣爲奸公無分遠近檢視  
必親饑民日益倍皆隣縣民也問何以來僉曰安

得如公民盡沾實惠乎邑中節婦公悉詳請

題旌旉出過其緯楔必下馬展拜去縣治數十里有  
神祠狼馮焉或夢狼語云吾去矣某夜當有文曲  
星至適村民爲人所殺公聞卽馳往已漏下四鼓  
暫憩祠下而祠祀自此遂廢五年報最入爲刑部  
主事丁母太夫人憂盡哀與誠壬申刊入西曹  
公素以廉辨稱有命案視其讞辭類文致者公  
據律駁查司寇難之公力爭卒得減等甲戌公  
進副郎以怔忡疾乞假歸里居七載不輕謁當

事邑中有大徭役必爲指陳利弊無所諱戾  
冬

召見辛巳春授浙江布政使卽日出國門受事三日首  
請革南糧布袋弊他若加平餽獻兵餉掛發及貢  
絲攝纂一切禁遏時屆編審下令均山陰坊鄉田  
畝以絕差役徧枯寧波黥民徧照地派丁之說與  
巨室相持幾致變公夜草片檄諭之帖然無敢譁  
者藩庫舊有貼解費歲支不過什伍公在任積二  
千金有奇將授代封識以付新司曰吾奏銷不名

一錢繼我者勢必不能得此足辦今歲事矣毋更  
擾民爲也公家距杭甚近家人來輒令載米十餘  
斛或謂公清風峻節不愧古人然位方伯何必喪  
殮皆取給故鄉公曰吾寥寥數口輩之而來薄田  
所收賦稅外無所用之輸之杭歲省數十金購粟  
不亦可乎言者太息而去未踰年

特命撫浙

御書崔子玉座右銘以賜自藩署遷什物惟襖被一肩  
書數簞而已錢塘江逼近杭城潮沒晝夜拍岸者

丹舊塘傾圯公親相度地當衝嚙者鑄鐵貫石中  
築子壘護焉壬午秋潮勢更猛新塘欲壞公率僚  
吏將士齋三日設牲醴自爲文以祭俄而潮大至  
風狂浪激吹水皆立觀者踉蹌奔避公獨立不動  
而潮距祭所百步止人人駭異自此潮遂不逼塘  
畚鍤得以修舉公以浙人才衆多壬午大比疏請  
增額視江南格於部議

上重趨公請可其奏亡何奉湖南會審之

命旋改偏沅巡撫會



皇上閱視河工巡幸江浙命內大臣及部官勘閱江塘

以堅好奏

天顏甚喜公馳赴

行在疊蒙

顧問特頒

諭旨使力減加耗盡革私徵公莅任卽建亭勒

上諭以昭恩恤遠民之意於是宿弊一清端士習慎刑

獄漕糧責官收解不復僉派里民酌衡永寶三和

鹽價以長沙價爲準疏請以秋米貯道候解者充

次年春夏兵糧又預給二耗米石於運丁得

旨悉准行湖南北地延袤數千里中隔洞庭之險貢土  
選教職者南北互調貧老多不能之任公請各予  
本地缺

詔亦報可著爲令凡先賢祠墓屬公所部者輒爲葺其  
宇清其址刻石以示風焉癸未歲偕提督隨

欽差招撫紅苗將撤兵時制府帳前有乘夜鳴謫者一  
軍皆震駭公幕下衛卒無幾處之晏如明日各營  
俱策馬疾馳惟恐後公獨整轡徐行然公未嘗一

一自言也丁酉冬

上面加嘉獎在廷諸臣始聞之庚寅歲杪擢左都御史  
有餽贐者堅卻之去之日士民送者攀號數百里  
不絕建祠繪公像以祀後輯所爲奏疏文告若干  
卷題曰趙公實政錄又公嘗謂封疆大吏要在察  
吏以安民司道魚肉守牧守牧必取償於州縣守  
牧腹削州縣州縣必取給於民民何以堪故其撫  
浙及沅也嚴與屬吏約雪前過圖後効不用命者  
輒自簡從之有過必聞知懷卽止屬吏畏公之察

而感公之誠咸奉法凜凜卽體髣髴難理者或興謗  
言惕公公屹然不爲動也旣入臺丰裁峻整中外  
多嚴憚之然公不務搏擊以沽聲譽惟仰體

聖主如傷在念具疏言前此

聖駕西巡積欠盡行蠲免五十年奉天應完米豆亦予  
免徵臺灣穀石已經徵完在官者准將五十一年  
蠲免今潼關大同府五十一年米豆草束以不徵  
銀兩獨不在蠲免之內但本色折色總出地丁應  
否一體蠲徵隨奉

恩綸照臺灣例蠲免來年又奏

萬壽昌期謹推三年蠲免錢糧之例請免民房地租以  
廣

皇仁荷

俞旨入恩詔條款通行癸巳之冬遷戶部尙書時公已  
出使粵東甲午仲春回京覆

旨卽進司農署凡財賦出入錢幣支收務綜覈周詳不  
輕盡諾每會議時國是之可否民生之休戚以及  
情事之曲直刑法之重輕無不侃侃言之義形於

色有庄頭李必達等欲圖滄州民地直撫疏陳  
州旗退民地七八百頃奉

欽諭永停圈撥必達等例不得復請而部從內務府議  
許其圈撥公是直撫言力爲上請事乃殺買賣人  
馬維屏等請納銀萬兩交部領大錢易小錢交局  
改鑄內務府允其請具稿送部會題公議小錢難  
以驟禁大小攪行商民兩便若收買小錢則錢價  
騰貴且奉行不善必致擾害地方

上深韙公言自此

三

11-15-61

聖主之寓意深矣辛卯典顯天鄉試壬辰戊戌兩主禮

開皆期爲國得佳士評陶每逾午夜或徹晨曉手

輟日脩三旬不倦榜發士論帖然然自拜大司農

事無巨細必加親核晷短攜卷歸寓燃燈批閱漏

四下不止乙未兼管錢法事務爬梳積弊言人所下

敢言雖身爲怨府弗恤也丁酉兩掛部議

上信公深不聽去任公益思盡瘁報國而精力日漸消

耗庚子春病腹暴下援例請休

溫綸慰留

賜問

賜藥無虛日公感

上恩厚易贊前二日猶力疾入辦事同官滿尙書孫公  
止公乃歸邸而疾已不可爲矣

皇上賜謚碑文云以爾小心匪懈故曰恭以爾大節不  
撓故曰毅而要以廉爲本惟爾操履臨老不渝是  
公生平盡忠體國仰荷



前曰爾知字汝意乎諸葛武侯王佐才其自信不  
過曰謹慎而已爾勉之公佩父訓畢生奉爲步趨  
兢兢業業死而後已抑可謂無忝所生也已公少遇  
族難壯膺劇邑中年後守官中外持躬刻苦有寒  
素所不堪者樸誠自矢幽獨勿欺尤篤信朱子之  
學以居敬窮理爲宗雖簿書冗沓小學近思錄及  
薛河津讀書錄胡敬齋居業錄日置案頭稍暇卽  
繙閱與人交無情容倨色爲大吏遇僚屬必以禮

人居九列容氣滋滋恭清操信於

人聞於四海而存心仁厚表裡坦白最不喜許人之  
短後進未學有一言一行之幾於道卽勤勤懇懇  
引掖不倦平時留意人材其品望不凡者非有平  
生之素一見卽器重之至其內行肫篤則根於天  
性父歿弟申季年甫十一公教育備至以祖遺屋  
歸之復爲置田百畝丁丑弟成進士公郵書示戒  
云痛思往事無忘吾父之艱難茲念永圖寧效乃  
兄之迂拙後弟爲遷江令公因隨

爲至維揚奏言有弟申季遠令瘞鄉臣大馬之齒已六  
十恐無幾相見

上領之甫一歲召改翰林出督山東學政弟以積勞歿  
公哭之慟十餘年來每道及輒流涕龔夫人早卒  
公義篤糟糠不再娶房師朱公爲瑞金令被劾力  
白其枉公不忘師門多類此人或見其巖巖氣象  
凜乎難犯以爲使人不可近者非深知公者也公  
年七十有七配龔氏

誥贈夫人丈夫子四長熊詔已丑進士

殿試第一翰林院侍讀次鳳詔戊辰進士原任山西太原府知府次鶴詔早卒次鯉詔戊子舉人內閣中書女子有二俱許字而卒孫九人曾孫四人銘曰  
延陵間氣篤生偉人學宗洛閭主敬存誠惟誠故  
樸惟敬斯直克儉克勤始終如一際運之隆匪躬  
勿恤梁苑製錦郎署明刑辭榮歸里一邑典型徵  
書下逮惟

希知人

君不可負盡瘁致身初任蕃宣再膺節鉞吏畏民懷流

芳楚越內掌柏臺搏擊不務謨猷入告膏澤下布  
晉秩司徒底慎財賦剔弊招尤弗改吾素昌言謹  
論唯諾不屑秉鑑掄才明神可贊曩隨禁旅三苗  
是徵中夜聞鐃令軍皆驚公在師中不震不動致  
果爲毅

天子所重公病而殆

恩綸疊沛公疾愈矣

天顏有喜公忽全歸

帝心孔悲生邀

異數歿易嘉名完節令終莫之與京爰樹豐碑永開  
佳城勒此銘辭奕禩是程

白雲舊人傳

蔣金式 弱六

白雲舊人者毘陵戶部尙書趙公自題其主者也公之  
卓守儒施不愧古名臣矣而僅以居鄉別題者稱何也  
曰以明公之素心也毘陵無山水惟白雲尖廻溪高樹  
野渡漁舟爲邑勝地公自甲戌 予告卜築於此讀書  
課孫殆將終老一日者有感於寤達死生之故置木主  
自題曰白雲舊人爲之說云白雲者何白雲渡也舊人  
者何人無常存未幾已舊也無何東山一出白雲長謝  
豈公意中事哉願遙遙廿餘年升沉變故何啻頃刻而

素心常有知愧魄猶依故題爲舉而稱之亦公之所許也雖然賢者固不可測天生賢者將有以用之亦不令其能自測故度公之心又當觀公之道心在事外以俟知者知之道寄事中毋論知與不知皆可取而論定之按公諱申喬字慎旃號松伍生時家人見紅光滿室稍長知勤學言動不苟父止安公以前明進士令公安上官公薦三楚一令遷兵部主事入

國朝搜族難家毀硯耕自號江南老教書課子尤嚴公十八歲補郡諸生第一旋食餼已日講於守身事親先



髮後樂之義立誠而致行之嘗讀書城南蕭寺莖寺內  
無主棺十餘寡孤塊來謝已酉舉於鄉明年成進士癸  
丑丁外艱哀毀中事事拮据盡禮婦亡不再娶初令商  
丘邑最劇然不敢延幕客夜燭治官書徹曙出視事必  
盡一日事行保甲法以靖盜核里版虛實以清浮稅隱稅  
賑旱親檢視民日增多隣縣問胡舍彼來此曰難此實  
惠耳公爲憮然捐俸募貲未贍署有數練亦賣以克一  
村去治數十里民家子被殺不知誰薄暮來控卽單騎  
到村方四鼓聲憇孤廟旦起察其比屋角血裨委焉立

訊得實人咸謂神行取補刑部主事丁內艱銜哀跣奔  
盡禮如前喪服闋再補前官楚有命案獻辭文致應駁  
查滿司寇不允據律力爭卒減等陞副郎以疾歸高卧  
白雲尖罕謁當事顧邑中有大利弊懇懇指陳輒數千  
言無一言及私自公去其鄉鄉之人利弊無所訴今猶  
追念不勝太息也歲庚辰

特旨召辛巳赴闕進國門觀者如堵曰此屈強副郎  
忽蒙

聖眷起自田間不知何方受福耳超授浙藩陞辭日策

蹇就道之任三日卽詳院請旗營領南糧照京倉例自備口袋免民四千餘金州縣解餉親兌庫吏請兌法公厲聲曰銀百卽兌百何問焉由是藩庫加平革隨將此外陋規若干條盡革又請均山陰坊鄉田寧波黥民倡隨地派丁之說與巨室相持將爲變公聞立草檄馳示以地丁分項例民擁觀傳誦卽帖然無一譁者府解諸項貼費歲支止十之四五公將代命主者核籍存二千餘金封識待新司至盡付之曰吾上年奏銷未各一錢繼者勢不能留此足辦今歲事矣毋再擾民毘陵距杭

近公諭家人以事往來攜米十數斛儲署中用或謂公爲方伯猶家食毋嫌平津布被乎曰君言良是但吾挈家在此不免索米於此舍下薄田所出國課餘無所用將置之毋庸也抑置之以避嫌故益無庸也或感嘆去既遷本省巡撫襆被一肩書卷數簞依然白雲渡口出門時在任一切仍冰手自理錢塘潮最險迫城自公司藩憲撫軍繪圖題請借歲修興築公復疊美餘足之遷撫之秋工雖竟潮更猛日捍堤甚公齋戒設牲醴自撰文率屬祭告江干甫畢潮至狂飈激水皆立距祭所百

餘丈忽止嗣後潮汐皆遠塘得及時增治奉

命往湖南會審鎮算紅苗歲杪調撫偏沅疏請

陛見

上以湖南私徵無藝

特頒諭旨授公公至建

上諭亭勒碑垂永行牌首禁額輸外或另設各目或借  
公務私派或重戥加耗又行牌除上行下效積弊約以  
已先先之無款而屬員若罔聞知不敢姑容也湖南私  
派每起於歇保包攬又驛鹽糧道尤爲弊數所有撫院

規禮已盡革更如驛站支領巧生留難漕糧不遵例官收并兌重勒漕規俱出示禁絕又嚴飭官吏不得索鹽商規例鹽商不得任意低昂增減鹽價并重毆輕徂民間始免淡食南糧秋米應七月開徵內以半撥供制營月米遂先徵支乃州縣借此概徵飭糧道預定州縣米數分解部若干仍七月間徵又疏湖南營米每於正月卽赴州縣支領時地丁未開徵南米從何辦查上年解存南秋米貯道倉於秋杪准部文折銀解部則春夏時可暫借給兵又疏科臣請將耗贈漕截銀米存糧道倉

庫扣抵漕欠臣查湖南並無漕截漕贖而運道最遠需  
藉此二耗行月銀米資飛輓若扣存二耗僅給五十兩  
零之行月則窮丁束手必至悞漕臣目擊情事只得仍  
將二耗給予督其刻日開帮令自結不致有欠存案俱  
奉

俞旨先行屬員見溫以坦俾傾所欲言或面欺後敗露  
卽經保題悉登白簡其操潔辦事勤慎者薦膺已上勿  
使知方招撫紅苗將撤兵制府喻軍前夜聞槍聲咸震  
駭公帳下止二十名衛卒晏如也明日各營馳爭道公

獨攬轡徐徐去內陞司道以下餽賕公笑曰我無湖南  
八年於下交絕一座今以遷易操耶公所莅遺棠必爾  
茲以尤久故建祠勒石繪像鏤板等尤備任總憲以時  
清不遽邀搏擊各有疏云潼關大同府五十一年米豆  
草束爲不徵銀不列蠲例然查前

聖駕西巡盡捐積欠五十年奉天屬米豆亦予蠲臺灣  
穀石以已徵在官於次年補捐今此項應否一體蠲徵  
或已徵在官照臺灣例於下年

萬壽同蠲奉



旨允行是年大同府應州荒甚

旨下民慶更生又疏請將民房地租舊欠照地丁蠲例  
入癸巳年

萬壽恩詔俱奉

旨允行是冬

上諭天下清官云如趙申喬撫餉乃可謂清雖其言  
朕亦有不行然信其無私粵東米價騰踊

上遣公往平糶粵濱海值溽暑公却供應併却帳帷隨  
侍苦熱霧不安寢公凡卧處獨無粵人傳異事回奏稱

旨遷大司農寒暑務冗出則携文卷歸寓挑燈檢閱恒  
四鼓河間府滄洲旗退民地奉

旨永停圖撥後有庄頭呈內務府撥去若干頃畝又有  
庄頭踵前呈求撥給公力請免撥滄民故業以安又有  
買賣人呈願備本萬兩交部照定價領換大錢在凡行  
小錢處換買交局改鑄公疏歷指買賣人欲

君國利之弊且小錢難驟禁若准其收買小錢恐錢價  
騰貴或致多事奉

俞旨先議後以奏鉛勸爛壞部議照溺職例革又前劉

芳昇等一案與九卿兩議自檢舉九卿議革任俱奉  
旨留葢於不行之言信其無私類若此居常語人  
君恩高厚遑恤桑榆然眠食如忘形神浸憊竟不自知  
也庚子歲

萬壽節叩祝不能與賴同官扶掖成禮疏乞休奉

旨留後屢乞休皆奉

旨慰留力疾辦事如故十月二十一日疾革口仍喃喃  
部務越日薄暮家人繞牀泣公張目顧之終無一言惟  
隱約嘆

生恩莫報而已遺疏入

天子悼甚

特命宗室公南書房侍郎一漢侍衛六臨奠茶酒行三叩禮禮臣具典禮以聞

賜卹如制閣臣擬謚請 于恭毅於是其二子沫血叩

首曰字則因名而臣祖之字先臣別取焉其字且命之

也曰諸葛武侯王佐才自評惟一謹慎小子勗哉蓋望

先臣者厚爾頃祇捧謚典竊惟謹慎所以恭君父之命

一也惟謹慎以終始爲恭而毅諸葛之表其終也曰鞠

躬盡瘁死而後已卽是道歟今先臣旣已考祥其旋庶  
兼二言而無忝焉臣祖之命字若未及而隱寓之

君命易名爲大白之矣公又嘗訓子弟曰人好以清自  
居夫清豈容居吾初莅浙藩兌解協餉平贏錢許詢庫  
胥云想前任收兌稍贏亦微甚數月後積四百餘金家  
衆食之兩載撫浙賣衙門廢船一司書繳水手工食銀  
七十餘兩爲鎮軍路費移撫徇沅隨丁二十名小餉銀  
二百餘兩米七十二石亦以食家衆數項皆未得爲清  
所自信者於地方利弊知無不爲爲無不力耳夫公之

清鄉國上下莫不知之而其自言則如此公父亡時有弟申季甫書計以養以誨經營室家皆先其子迨成進士初令遷江公在朝上問其爲人公奏謹慎亦見謹慎是其家法矣未幾蒙召入中秘出典文衡卒於官每念及輒涕洟公享年七十有七四子長熊詔己丑狀元翰林院侍讀後公半載以毀滅性聞者惜焉次鳳詔戊辰進士累官太原太守年少登科不疑人欺遂罹國法是秋部檄原籍查家產白雲老屋數椽零星家具數事悉登冊輸官邑令謂產微遂漁及三黨猶未足請上官

疏忝家屬究比蒙 恩概免人謂此舉益見清節令將  
陷之適以白之也又次鶴詔早逝季鯉詔戊子舉人內  
閣中書候選孫男今九人同教 恩賜入國學叙議知  
縣卽用公猶有加意者令商諭諸生採訪節婦合例概  
請 題旌樹坊以事過綽楔下常展拜撫楚嚴飭學政  
自愛破情面教職近例選本省而三楚延衰數千里中  
隔洞庭其湖南北人地互換或費艱或風阻憑限多遠  
爲題請其選以人從地得如限赴任楚多先賢及忠節  
祠或地或燬或葺或建撰記勒碑或爲詳本末於墓又

飭州縣舉節婦母玩母稽詳到立題辛卯秋主京闈試  
壬辰戊戌兩主會試殫心力矢公慎雖被擯者皆歎服  
又以雲貴廣西限額疏呈落卷省各一人俱蒙敷試賜  
進士向商丘所憇孤廟久爲狐據廟祝忽夢狐云文曲  
星到此當退避卽公暫憩之夜也噫星號文曲非以司  
文柄耶宜於國家文治人才風節倍懇切爾况公固  
學問人也雖得書冗沓而儒先精要不離心口尤篤信  
朱子書若夙和印証者其壁立一生惟中孚利貞鬼神  
夔應之來自列星爾室之光非先徵耶吾又以見公之



仕諸惟是在官則動其官而其人遠矣

論曰或問漢之諸葛三代下一人出師二表表裡伊訓  
說命易以相擬耶曰焉用相擬道有同焉耳夫曰謹慎  
口蓋率曰死而後已其道出於純忠而其事爲人所不  
能爲亦不肯爲諸葛固早已定之矣其言至質而有深  
痛焉可與知者道也若公祇駁貌術分行事似遠乎人  
情而未嘗不曲體乎人情生平無事不可對人言而或  
未易爲人言也君子以爲諸葛之道在焉亦俟知者知  
爾但遭時遇主諸葛以一隅輔庸材圖帝業爲其難公

當太平之世立

聖人之朝爲其易且也責有所受之而經緯巨細各有  
當焉則毋容概論也

湖南崇祀名宦錄

九屬紳士公呈

湖南七府二州紳士里民郭金門黃承祖朱奇珍  
楊枝建韓楷敬菴彭士商楊纘劉淇榮銓吳寧諮  
洪國柱唐青楷秦文超李文炤魯紹宗文山方如  
琬劉世澍陶士餘陶士傑陶士儼張瑗郭振周邵  
生夏之瑚陳標何象巽譚中銓易象乾賀大治劉  
弘綱羅祿余饒何祖生向之濂劉德游鄧承祖羅  
永端龍璠何祖武丁世勳洪圖甲等

呈爲 前院之流膏已極人心之戴澤難忘懇賜  
題請特崇官祀以慰輿情以昭盛典事竊惟功足及  
人著愛傳諸

國史德堪表世遺徽信夫民葵所以峴山之碑生前  
未立而桐鄉之薦沒後方崇惟受恩既深故思報  
愈切伏念

大司農前任湖南備沅大中丞趙公諱申喬字松五  
者才由天授學本性成氣貫斗牛下筆千言立就  
詞傾珠玉聞聲是處皆驚故蚤聽鹿鳴之篇章旋

題鴈塔之姓字著循聲於歷任萬間之鹿如天存  
治譜以居官一路之星是福何幸南楚有幸得邀  
吉曜之臨約屬員而慎催科閭閻悉蒙撫字宣

聖訓而做桃李群沐栽培化民情之澆漓實  
行條約振士風之頹靡重勉力行修學宮香流泮  
水建祠宇力復遺蹟教職無露處之憂士民被膏  
火之澤里長差役不至民困重耗私徵徧懸禁令  
牙行得免帖價并解無差舖戶不累借支市廛減  
稅嚴請託而禁陋規苞苴永絕設常平而減市價

俄殍無聞整飭官箴狐鼠之奸屏跡訓練行伍虎  
賁之士談經監禁杜其濫收獄囚恤其醫藥撫苗  
向化居民之寢食皆安聽訟得平積年之冤抑頓  
釋理民事則星霜無夜而無不脩披軫民憂則白  
髮衰年而民常浩歎整躬率物肅然大法小廉修  
已安人允矣遠來近悅永無巡撫盡日飲水九郡  
黎民終朝食德而無明正直臣贊鬼神而無疑積  
功德文章堪與聖人同不惑凡此實心實政皆屬  
其見其聞其味其香

聖主得股肱之任而遠離楚地赤子失襁褓之依不愜  
德容無以慰館餐之願時聞善政亦猶在衣被之  
中無何梁木其頽哲人遽萎悲哀徒切思報無由  
雖勁節清操自必徽傳竹帛而深仁厚澤宜乎名  
列宮牆今幸

各憲激濁揚清闡幽彰往豈忍著經緯之望者不使  
邀俎豆之光乎伏乞採輿情之愛戴賜特疏於

楓宸將

前院趙公崇祀名宦配享先賢併砥節勵行朝多名

世庶忠君愛

國代有僻人匪獨適洽輿情抑且儀型吏治矣

巡撫都院王 批

仰布政司速議通詳報



湘潭縣紳士公呈

湘潭縣紳士戴炯郭天宗何永瑚張埴何金楚維  
岳何於海嚴宜何儀朱世玉戴炯周昌年郭時敏  
何永璉夏之淮等

呈爲聞幽之祀典宜崇不誼之輿情難掩懇勅舉行  
以光郊豆事竊惟崇德報功邦國之盛典薦歆妥  
佑士庶之至情伏念原任

大中丞恭毅趙公天生人傑

帝簡名賢癸未之歲來蒞茲土冰心徹底比湘江之水

尤情霜節凌霄擬南嶽之峰更峻菜根是啖而下  
民之饑溺爲懷宵旰惟勤而官箴之坊表已立秦  
鏡懸而千里無冤民湯網開而一方無留獄由是  
興作人之化書院弘開盡造士之方文風丕振故  
至誠通乎異類苗格七旬精誠貫乎穹蒼雨來六  
月雲開踵韓愈之蹟啣花紹裴相之芳九載績成  
豈獨三年賈傳分陰金惜信是八閩陶公所謂其  
生也有自來其逝也有所爲者也自昔  
內隄之後如失召杜其棠下孰能忘懷迨夫乞休未

幾旋啣其尾峴山頭誰不墮淚是以生而祠之者  
蒼梧之北像而奉之者洞庭以南所憾聲靈濯濯  
未入名宦之祠隆德昭昭莫正春秋之祭茲者恭  
逢

都憲福尼羅楚活佛臨湘炳炳雄才久矣江東獨步  
煌煌大業直是斗南一人節義咸賴品題前賢悉  
俟表彰伏願俯順輿情曲循士願在

司農之精神雖遍天下而奉祀之徵忱姑留泮壁以  
享以獻新開俎豆之光祈穀祈年永降閭閻之福

生等無任激切之至

巡撫都院王批

仰布政司并議通詳報仍候

督部院批示繳

皇清誥授資政大夫原任偏沅大中丞謚恭毅趙公率  
寶

一公下車之日先於轅門外佈臺宣讀

勅賜諭旨率領文武各官跪聽叩謝然後入署隨於署  
前創建高亭懸碑於內每乘輿往來必步趨而過  
敬

君之心一毫不忽

一每月朔望親詣公所宣揚

御製訓劄士子文講解

上諭十六條諄諄訓誨務使人人通曉

公必誠必敬絕口不言他事教化之興多由勸勉

一首重農事嚴飭有司務於催科之中寓以撫字草  
里長禁差役使門無呼吏俾得盡力南畝鄉村之  
民戴德甚多

湖南素有加派每遇公事派之各府州府州即派  
之州縣州縣派之里民正供一倍而雜派數倍於  
正賦者有之以致民多棄產逃生

公抵任遵

肯力爲嚴禁革除至今正餉之外毫無雜費民皆樂業悉  
公恩德所留也

一作養士子觀風取錄生童送入書院肄業給以膏  
火宿學之士悉蒙獎賞賚到月課親爲披閱不啻  
耳提面命

一崇儒重道改修長邑學宮每科得邀鄉薦捐建學  
署教職得有棲址設立義學捐給膏火

歷代忠毅節烈祠宇多年傾廢爲居民踞占湮沒  
者

公遂一清復原基捐貲創建忠烈墳墓修築崇高俱  
各勒石以垂永久

一兼攝學政印務一切弊端剔除殆盡有當補者卽  
行按名查補可曲全者卽爲原情開復其作人之  
心可謂至矣

一嚴飭各屬有司徵收錢糧必以正平不許重耗倉  
穀務令克足以備饑荒賜斛淋尖永行禁革

一愛惜民命不許濫准詞狀民詞務絕牽連嚴禁佐  
雜等官不許受詞枉害無辜之人不許濫禁卽重



罪獄囚亦加矜恤遇有疾病延醫調治

一理訟必慎平反

公之職獄片言可折得情勿喜積累沉寃屢多伸雪  
人皆服其明決更相感於至誠

一牙行免取帖價舖戶不許借支厘地居民減其租  
稅口岸船隻省其差徭設常平減市價較定制斛  
刻有巡撫趙字樣至今遵行人人悅服

一操性難調安撫不易

公多方勸諭各傾心向化附近居民得安寢食後

公因事解任徭民數百環輿涕泗各獻薪蔬依依不捨經過之地婦女遮道以爲神明不可輕見其盛德感人如此

一創建南嶽廟宇修理城郭勸費萬金民實不知一草一木不問民間工匠匠夫計工給價不枉民力木屑竹頭毫無棄物

一訓練行伍約束將弁務使軍器整肅紀律嚴明無不恪遵法令謹守營規

一公正已率屬堅持清廉始終一節不受餽遺不通

賄賂嚴請託絕苞苴一切日用飲食俱發現錢悉照  
時價高低絕無絲毫取辦

儒學看詳

湖南長沙府儒學教授兼攝訓導事鄭昂長沙縣  
儒學教諭戴德祖訓導蔣紹龍善化縣儒學教諭  
譚仙芝署訓導張銓選會看得

前任偏撫大司農趙公<sub>諱</sub>中喬者鍾山嶽之奇姿秉  
乾坤之正氣名題鳳塔職謝鵷香蒙特起於

九重遂屏藩乎兩浙由方岳而秉節鉞吳山越水共戴  
生成自東吳而調南湖七府二州群沾德澤恪遵  
上諭號令儼若風行俯察輿情幽隱悉同電照片言折

獄民自無寃立刻飛章官皆有守革弊而無不除  
之弊洵爲砥柱中流興利而有因民之利實屬南  
天半壁目數行而俱下案牘無留書千語而立揮  
鶴庭多暇布衣粗食猶然寒素家風茹藥飲米大  
礪官常清節是真包孝肅復見於今海剛風又起  
於後者也入藏中丞超陞總憲兩年烏府晉秩司  
農誠不愧乎名臣大有光於祀典今據湖南九屬  
紳士里民合具公呈到職請入名宦理合備錄呈  
詞并造具事實冊結除申詳

督學兩院外相應具文詳請

憲臺俯賜察閱批示遵行

藩臺看詳

湖廣湖南等處承宣布政使司布政使宋 看得  
已故

前任撫憲內陞大司農趙恭毅公一代偉人千秋間  
氣學山啟秀燦文苑之英華道岍探幽樹儒宗之  
軌範登仕籍而錚錚馳譽名徹

彤庭歷開府而事事施仁歡騰郡屋真誠感格回天而  
暘雨皆時教養兼全馭衆而蒸黎同化詩書法律  
融冰雪於晶壺語默步趨凜規繩於玉尺范文正

先憂後樂伊古同心  
羊叔子簡武修文於今爲烈  
正仰恩隆

北闕梁木旋頽  
令人過西州  
魂山環泣  
追思遺愛  
闔屬之懿好  
攸同仰溯嘉猷  
豐序之薦馨  
無忝茲據九府  
州紳士里民呈請  
前來相應轉請  
並附秩宗存功勲  
於百世  
早正典禮  
光俎豆於千秋  
以慰輿情  
以表芳徽者也  
爲此除呈詳

署督部院并行令理問呈詳

學院外今備前由理合呈乞

照詳施行



三院批評

工部右侍郎署理湖廣總督部院滿批

原任大司農恭毅趙公清同秋水操似松筠亮節

著於

丹陛實爲

盛朝之規鑒功業表乎青史永垂奕世之芳名撫楚八

載惠政弘施恩流九屬絃誦方新允宜崇祀以協

輿情如詳通飭置主入祠具報仍候

撫都院批示繳

巡撫都院王批

趙恭毅公耿潔褻躬精誠事

主清風亮節心同皎日水壺規矩準繩累重泰山北斗  
紀生平之勲業皆在位之儀型將爲史冊之光允  
協春秋之祀仰卽通飭置主崇祀名宦以慰輿情  
仍令將送主入祠日期徑報查考併候

學部院批示繳

提督湖廣通省學政翰林院檢討黎批

已據長屬各學詳請批飭長沙府移明湖南九屬

將

故大司農前偏沅巡撫都院趙恭毅公通令置主  
入祠矣仰卽呈堂轉導各具遵依報查仍候

督兩院批示繳

康熙六十一年二月

十四日

常州府崇祀專祠錄

閩郡紳士公呈

江南常州府閩郡紳士董佩笈楊名時張逸少蔣  
金式錢名世稽魯筠唐執玉王雲錦莊令輿陳均  
儲在文須洲秦道然孫時宜劉於義楊士徽蔡靖  
然周令簡杜詔莊楷楊椿鄒登恒儲大文吳拭吳  
端升邵璠莊清度吳曹直陳聶恒卜兆龍許大定  
萬廷詔儲右文徐永宣徐依張迺輝鶴生吳錫爵  
蔣芳洲高純嘏路衡儲郁文莊令翼張鏞蔣章程

繆說蔣文元趙可大薛天培蔣錫震儲雄文錢濟  
世錢人龍惲宗洵史增吳有恒段西銘黃文虎陳  
朝植張祖錡吳晉趾徐岡濩蔣汾功李以煥潘旂  
盧棟隆陸祖望儲高文吳澍黃宇度丘振鸞趙埰  
張廸龔時懌楊梅楊士凝繆民塘華希閔莊敦厚  
吳雲客鄒士雙陳人龍薛永祺章玉樹儲之聲高  
玉行儲掌文鄒一桂季芳萬儲遜吳雲路李乾吳  
其儀龔銓安李和莊栢承徐恪吳圻莊秉中黃雲  
吳祖留劉復楊守約鄒光濤許元凱莊桂陶繩武

莊纘許同楊亭中吳崑周鶴吳晨偕楊書將天  
高純翁聖朝晉呂鏡程大發吳成鑑繆民坤顧述  
邑鎮徐朝柱潘永權董子式錢兆豫巢執中等  
呈爲客贊之勲德久孚專祠之祖豆宜舉循例公願  
懇賜飭建以繼輿情事常州府武進縣故宦

誥授資政大夫戶部尙書謚恭毅趙公間氣獨鍾清操  
素著少敦至行品重鄉閭長厲廉隅望隆仕籍初  
筮劇邑有神君慈母之稱再任西曹佐弼教明刑  
之化假歸林下有言則利溥仁人召赴

闕廷所宜必政傳偉伐在外則封疆重寄誠民察吏謳  
思在楚越之間在內則愧棘崇班秉憲安邦勲業  
在臯夔之列頻據譙議嶽立風裁屢典文衡冰心  
澄映故公誠中正用覲士論之僉同而樸立湧動  
上受

聖知之特達生前倚毗每被格以恩施身後哀榮至易  
客而翰苑南屬大僚完節誠爲一代偉人顧海宇  
橫嶺咸生景仰之情而桑梓敬共尤切典型之慕  
衣冠則追想其丰采父老亦傳誦其言辭自非特

建廟祠無以下乎衆志者常郡自漢唐以來代有  
先正而名賢於輿序之外各設專祠廟貌儼存祀  
典備載謹按故宦恭毅趙公生平大節無愧古人  
照例建祠允爲符合職等確有知見理合籲陳伏  
乞

憲臺鑒照故宦出處本末賜批飭建專祠以叶鄉評  
以敦風教庶名卿懿蹟長流百世之芳而畏壘公  
心先慰一鄉之祝矣爲此連名上呈

康熙六十一年八月

日



提督江南通省學政翰林院侍講鄭 批

故戶部尚書恭毅趙公剛德靜持清操久著竭忠  
貞以自靖更災險而弗渝政澤永感乎人心勲業  
可傳於奕世此真社稷賢輔允作冠裳楷模請建  
耑祠愈徵公好豈徒推崇既往實足風示將來江  
蘇布政司卽查議仍取事實冊結詳奪

常郡武邑兩學公履

江南常州府武進縣兩學原增附生員吳煜立陸  
振乾蔣維梅呂屏書陸超凡董濟頤兆龍黃與玠  
州樂錫大文楊森毛輝宗陸鴻儀楊陳洪劉令聞  
姚一鳴吳文斗吳翰吳汝寅蔣穗田蔣稼田吳龍  
兒王京吳翰敏瞿慶來瞿若龍黃鍾黃繼炎錢標  
張騏生曹祖旭白雲成瞿信學瞿協庭卜松源高  
布丁贊虞胡繼吳彩立史琳史繼淳史綬史爲憲  
史爲紀史斌楊維許葵龔簡材黃錫立龔奎黃輅

龔振泰烈等 呈覆爲各賢之勲德久孚等事竊  
惟公諭出自學校盛典首重明禋故宦

誥授資政大夫戶部尚書諡恭毅趙公生有祥光幼而  
敦敏髫年握管卽明慈幸之大倫綺歲兼經特冠  
膠庠之多士皖城設帳資修脯以奉高堂蕭寺寒  
藥瘞旅憫以安士魄歸鳴榔院挂染衣香燕集瓊  
林蓉分鏡影始也鳴琴梁苑百里風清繼則躬教  
興鳩園屏草茂年方服政早賦遂初一經教讀君  
子之澤流長七載投閑仁人之言利溥滄江可卧

其如

聖主之知好爵爾康實爲蒼生而起只是心難負務期  
衾影無慚誰言人易欺不啻神明有赫甫奏屏籓  
帟續旋膺節級殊榮恩流吳越之邦觀袞衣而卧  
轍化被湖湘之溪跨竹馬而迎車激濁揚清萬戶  
群依冬日正巳率屬百僚並凜春冰臨大節而不  
撓矢小心以匪懈入掌邦憲寒謬恥唯諾之同晉  
扶地言磨涅無磷緇之賴持品衡於北壘捐管終  
宵秉藻鑑於南宮燃脂待旦儉德爲寶寡欲於物

無求苦節可貞終身不改此度武鄉盡瘁精漸耗  
於國謀司馬彌留語罔及乎家事身騎箕尾排閭  
閭以翔翔星隕台懸懷風流之耿絕斯固  
九重特加恩恤而同類尤切銜悲者也生等歌同蒿里  
未能揚青史之芳仰切高山實共篤緇良之好今  
具事實冊結上呈伏乞

老師臺鑒士心之真切知衆論之舍同懇照

憲行卽賜核轉懇合郡之公好俾卜地以建祠則棖  
栢維新恍典型之猶在馨香永薦宛浩氣之常存

矣爲此連名呈覆

康熙六十一年十月

日

兩學廩增附結狀

江南常州府武進縣兩學廩增附生員吳煜立陸  
振軋蔣維梅等 今於與結狀實結得故官戶部  
尙書謹恭毅趙公德秉陽剛學臻純粹存誠主敬  
接洛閩之淵源後樂先憂建范韓之事業小心匪  
懈齋澤下於生民大節不撓勁烈關乎社稷仰不  
愧俯不作同時熏其德而善良頑夫廉薄夫敦矣  
世聞其風而興起一鄉非有私好閭閻皆無間言  
茲蒙

憲行查議除將本宦事實開載造冊外合行連名具  
結不致扶同冒濫所結是實



里隣族長結狀

江南常州府武進縣在城左廂左隣吳圻右隣將  
霞洲棲鸞鄉三十四都一圖族長趙玉珩等 今  
於與結狀實結得故宦戶部尚書謚恭毅趙公兩  
間正氣一代完人自居家以及服官表裏如一由  
百里以躋九列終始不渝性鯁直而無私度嚴翼  
而有象岸然道貌晤對而鄙吝全消藹若春風入  
座而醇醪可飲秉剛德而據忠悃諤諤不回進諫  
論以佐 廟謨亭亭獨立德行久孚於梓里風采

尤著於

朝端是宜特設几筵洵屬有裨名教所結是實

皇清誥授資政大夫戶部尚書 贈太子太保謚恭毅

趙公事實

一公諱申喬康熙己酉科舉人庚戌科進士初任河南商丘縣知縣行取補授刑部主事以內艱去任服闋補原官陞本部員外郎告假回籍奉

特旨召見超授浙江布政使陞本省巡撫調撫偏沅內擢都察院左都御史遷戶部尚書兼管錢法堂事務康熙五十二年

萬壽覃恩

誥授資政大夫

一公幼而岐嶷父鶴部公早以大器期待而督課甚嚴不少寬假公克承厥志發憤力學年逾舞象以五經冠童子試父爲製夏布襦衫旋卽食餼兩巵秋闈念椿庭春秋高益自攻苦甚至中夜飲泣遂連售兩闈未登第時課徒皖江以束修之入供甘糲至釋褐後猶然適有濠梁之行過關山謁關廟祈得一籤心動亟歸而父已疾作此與古人齧指心痛者何異未幾丁大故遵遺命速寔經營寔參

不怠不懈及出宰百里母夫人在堂奉板輿以迎  
召養備至入爲部曹聞母訃哀慟欲絕創旬南奔  
以舍歿未親終制後猶茹素年登耆耄誕辰從未  
稱觴併不受兒孫拜慶其於生我之痛蓋終身不  
忘也

一公有少弟卽翰苑蔚什公也父歿時年纔卅角公  
教育兼至以父遺產歸之復爲置田百畝及弟成  
進士郵書示戒諄諄後弟督學山左以積勞歿公  
哭之過時而悲其元配龔夫人早卒公年方壯不

再娶其內行肫篤如此

一公梨性樸實幽獨勿欺尤篤信朱子之學以居敬  
處理爲宗雖簿書冗沓小學近思錄及薛敬軒讀  
書錄胡敬齋居業錄徐養齋讀書劄記高子遺書  
日置案頭稍暇卽繙閱治家勛遵禮法不近聲伎  
不藏古玩件不肯爲酒食游戲卽值吉慶梨園弟  
子從未入宅頂有治命身後不許作佛事可見其  
學術之正

一公厚重端凝燕居時終日危坐與人交無惰容倨

邑印偶爾懽笑從未露齒縱聲爲大吏遇僚屬必  
以禮入居九列動容辭氣滋益恭尤約束僚僕毋  
得縱恣爲非癸未春因迎

鑾回里乘小舟下鄉掃墓甫出郭遇一瓦船與家人角  
口竟盡呼姓名大肆狂言甚至拋石擊舟公絕不  
與校好語勸止彼無可如何猶強索衣鞋而去非  
大德有容其孰能之

一公道貌岸然而宅心仁厚樂善不倦爲諸生時讀  
書城外永慶寺內多孤客遺棺年久朽壞公具呈

當事捐貲鳩工瘞埋俾枯骸得免暴露又各立標  
爲識以便覈知類回故土有修祠瘞亡錄出仕後  
以部曹假歸偶因報謁徒步出郊見一人裸下體  
假卧河邊慙慙一息詢之行路者乃糧船上手  
患時症恐其傳染棄之弗顧公爲惻然卽覓兩夫  
舁至里社祠中與以藥餌飲食月餘始得瘥可詢  
其居址乃儀真縣人因饑荒出外求食以至於此  
給之盤費俾早還故鄉渠幸得更生感泣叩辭而  
去



一公家居時讀書課孫不輟謁當事然深知通邑疾苦如田畝之推收錢糧之徵比以及派大樹派河夫種種情弊積習相仍公剴切陳說娓娓數千言皆可見諸施行具載彙案畧存續刻

一公蒞仕商丘邑最繁劇晝夜燭治官書徹曙不寐晨出視事端坐堂皇者竟日斷決如流其地多盜嚴行保甲法摧苻屏跡至以人命控者卽單騎相驗果係自盡立時依律斷結以免拖累

一公因商邑版籍多舛有虛糧而無田者有實田而

無糧者推收時每戶給照單一紙隱田者許其自首而虛糧盡與豁除編號鈐印付之執業糧地由此一清值歲大旱盡力賑救多方捐募猶苦不贍署有數緣亦貿易克用所全活甚衆

一公爲令五載凡節婦合例者稟請題旌每出過其韓契輒下馬展拜以示風勵又前令梁公之配張孺人壬午城陷自經特爲修祠立碑併詳查志乘邑中淑媛前後殉國難者四十餘人俱勒之貞珉使垂不朽有自誤貞烈祠碑記

一公任浙江藩憲受事之日稔知浙省南糧按月給  
發旗營每石兵則放索口袋一旗員則每次索一  
每歲約口袋十萬有餘折銀約四千兩悉皆派取  
民間公詳請督撫移咨將軍令旗員照京倉例自  
備口袋至今其弊永除

一公任藩憲檄告通屬以徵清州縣虧空先革藩司  
陋規若錢糧加平若餽送禮節若兵餉掛發若奏  
銷部費若委署貢錄一一剷除殆盡

一公任藩憲時屆編審寧波黥民倡照地派丁之說

與巨室相持幾致變公夜草片檄諭之民帖然無  
譁者

一公家距杭甚近家人來輒令載米十餘斛或以平  
津布被爲規公曰君言良是但吾寥寥數日挈之  
偕來薄田所收正供外無所用之輸之於杭省數  
十金購粟不亦可乎籓庫舊有貼解費歲支不過  
什五公在任積二千有奇將授代悉封識以待新  
司曰吾奏銷不名一錢繼我者勢必不能得此足  
辦今歲事矣無更擾民爲也其清而和樂如此

一公任儋憲一載惠政不一而足謫省會之光丁均  
山陰之田畝兵餉免其解府電課請歸縣徵編審  
聚實均裝解邑代爲給費建郵舍以棲旅死之柩  
禁淫戲以正風俗之本嚴禁褻字毀廢淫書以故  
廉幹之聲騰於輦轂

特旨陞任浙省巡撫復賜

御書崔子玉座右銘

一公在撫憲時堂上揭一聯云

君不可負只是心難負負心者不容於堯舜天不可欺

誰言人易欺欺人者如見其肺肝復諭曹掾曰吾  
無幕客一切案牘皆吾手理目營汝曹相欺能保  
事事不敗乎掾言如公者掾固不敢實亦不忍言  
也泣下公之積誠動物如此

一公任撫憲錢江秋潮甚猛先是公爲藩司時即言  
於撫軍

題請募資修築江塘易土以石銘鐵貫之併築子塘以  
護鵝垵是深恐坍塌及於新塘公齋戒三日率僚  
吏將士爲文禱於江神陳賢祭甫畢風狂浪激人

咸奔避公獨立不動湖距蔡所百餘步即止官民  
環擁屬目人人駭異嗣後湖以俱不逼塘畚鍤得  
以及時修舉

一公任湖南撫憲知民生凋瘵皆由州縣加派重耗  
巧立軟盤硬駝公費腳價諸名目比正供不啻倍  
蓰初下車即通飭各屬建立

上諭碑亭力減加耗盡革私徵又痛自刻苦爲屬員倡  
每年止有隨丁二十名咨明兵部食守兵糧爲日  
給之需於官吏軍民商人等並無絲毫染指因與

屬吏約寬其既往許以自新又嚴禁司道府廳及  
直隸知州不得恣意苛索亦不得徇私庇貪其不  
用命者輒自簡從之有過必懲知悛即止下屬畏  
公之察而感公之誠咸奉法惟謹而楚南數十年  
私派銅弊遂自此革除

一公任撫憲因驛鹽糧道衙門最爲蠹弊之藪而撫  
院規禮亦自不輕公一一裁革凡驛站之積弊漕  
糧之僉派俱徹底澄清至鹽價昂貴民苦淡食公  
赴任過武昌卽傳集衆商面諭本衙門陋規盡行



黃汝如自食議神其縣之抵任後又嚴飭宿吏外  
對仍前舊案縣商以致對與民各商鹽販不得  
與意加多鹽販不得任其抽減至南糧秋采亦嚴  
飭州縣無得不分給兵解部之項一槩預徵又有  
三叩

聖恩事一疏請以秋米賸通候解者克次年春夏兵糧  
又將耗賸米石預給旗丁因有軍命創懸懸情籲  
救無誤急公事一疏俱奉

旨允行

一公任撫憲嚴飭學政須硬着骨頭咬得菜根又飭  
令速發紅案以杜側提添換等弊至教職官員例  
於本省銓選而全楚延袤數千里中隔洞庭途路  
既遙風波復險因爲題請籍湖北者選湖北之缺  
籍湖南者選湖南之缺案

百命先而寒儒老生永免險阻之虞

一公任撫憲尤以崇獎忠義風勵頑懦爲先務凡屈  
賈祠真西山祠蔡周二忠祠李忠節祠劉忠毅祠  
及道鄉臺及趙忠定祠俱加修葺撰碑記至各屬

舉報節婦府詳司覆後隨到隨題復爲題請節婦  
建坊銀兩照舊例支給至今遵行

一公於康熙四十二年隨

欽差招撫紅苗將撤兵時制府帳前有乘夜放槍者  
令軍皆驚公幕下衛卒無幾處之晏如及明日各  
營俱策馬疾馳公獨整轡徐行絕無匆遽之態其  
臨變聲色不動有如此者

一公調撫偏沅時兩浙士民呼籲兩司請上疏借寇  
者日不下千百人及在湖南與俞提督許奏解任

候審公適在岳郡舟中士民繞舟號哭者亦日不下千百人及內擢都察院左都御史士民知勢難扳留皆執香叩送數百里多建專祠繪像以祀又搜輯在任時奏章咨移批語憲牌禁示藝文稿塲工鏤板名曰趙公實政錄以垂不朽

一公任總憲卽有

聖世施恩已極一疏奉

旨潼關衛大同所屬五十二年應徵米荳草束着蠲免是年大同府應州荒旱特甚民賴以生又有恭逢

萬壽昌期謹推三年蠲免錢糧之例請免民房地租以  
廣

皇仁等事一疏奉

旨列入五十二年三月十八日

恩詔欵內施行

一粵東米價騰貴

上遣公偕傅少宰前往會同督撫減價平糶倉穀順便  
資發兵丁公至卽通行曉諭又恐太減則商賈聞  
風不至以一兩八錢爲始其後遞減至九錢艱食

小民俱鼓腹稱慶

一公以回京奏覆稱

旨還秩大司農部務冗沓卯出酉歸寒冬晷短則繕案  
卷歸寓燃燈批閱雖數百件亦必於深夜看畢歲  
歲如是其有支領錢糧者必詳填勾稽不敢徇私  
雖毀怨招尤勿恤也

一公任大司農遇庄頭李必達等具呈及買賣八馬  
雜屏等具呈於爲民請命欺

君圖利之弊莫不窮原竟委洞若觀火其他情事之曲

直生民之利病莫不侃侃正言一無徇護多奉

旨依議

一公任浙撫值大比請增解額如江南例中式

上重違公請

特旨允行及入闈監臨併典試武關內外嚴肅分校諸  
君廩廩屏息迨任總憲又請廣順天及各省五經  
中額會試五經廣額亦照順天例又奉

旨允行士林無不額手踴躍者

一公辛卯典試京闈壬辰戊戌會試總裁皆契香設

前知縣 卷三  
厲誓評闢每逾午夜繕繹或達晨曠經藝與書畫  
兼衡後場與前場並重諸經房有佳者搜羅無失  
殫精疲神以至手皸目眇不遑自恤故其榜最號  
得人

一公兩克

殿試讀卷官卯午酉三科磨勘各省鄉試卷人莫敢干  
以私及遇小失亦輒爲掩庇人無知者其居心寬  
厚類如此

一公撫藩政績立



朝風範

聖主屢稱其操守清廉天下第一前後荷蒙

恩賜不可勝紀每值部議輒奉

旨從寬追歿錫典有加命宗室及侍郎張公侍衛六人  
奠茶酒行三叩禮蓋前此未有也

賜謚制曰以爾小心匪懈故曰恭以爾大節不撓故曰  
毅明良知遇曠古所罕觀云

儒學看詳

江南常州府武進縣儒學教諭金訓導楊會

同府儒學教授胡訓導趙合看得故宦

誥授資政大夫戶部尚書謚恭毅趙公望重斗山功高  
柱石兩間名世際五百之昌期一代偉人萃三吳  
之間氣花封報最攜來兩袖清風畫省辭榮人仰  
千尋峻範久係蒼生之望特蒙

紫綬之頒總廉法以維屏旬宜績茂握經綸而爲憲節  
鉞寵膺減耗除征雨露濡而蒼黎徧德揚清激濁

水霜肅而察衆華心西越東甌此日猶思卣雨三  
湘七澤迄今尙頌召棠惟至誠鐵壁

聖主之知以先覺任天下之重歐陽相士清如玉井之  
冰敬輿掄才爛若秦臺之鏡嘉謨必告膏澤下於  
斯民直道而行風采聞乎當世年將大耄彌深匪  
懈之思事必小心不愧鞠躬之節允矣名臣之模  
範休哉碩輔之典型所當申請飭建專祠以爲士  
林矜式者也爲此備由取具廩增附生員里隣親  
族各結狀加粘印結開造事實清冊一並申送

本縣伏乞 照驗施行

康熙六十一年十月

日

儒學結狀

江南常州府武進縣儒學教諭金 訓導楊 會  
同府儒學教授胡 訓導趙 今於與結狀實結  
得故宦戶部尙書恭毅趙公廉潔持躬恪勤奉職  
孤忠自許爲

君國不爲身家獨立敢言計是非不計利害其淡泊以  
明志無改平生矢盡瘁以致身殫堅晚節易名論  
定恤典既備極哀榮善政嘉謨士類咸奉爲模楷  
典型如在崇祀允宜所結是實

本縣看詳

江南常州府武進縣署縣事蘇州府督糧同知陳  
履看得故宮恭穀趙公德粹珪璋才兼經緯早登  
雁塔其霖潤梁苑之花再歷爽鳩法雨茂園扉之  
草陟薇省而躋開府吏肅民懷掌栢臺而晉司徒  
風清弊絕忍過吳頭楚尾名高北斗南邁變不  
撓大勇奪三年之帥致果爲穀孤忠受

一人之知

國典旣禮備哀策士論尤情深景仰茲奉

憲查遵卽牒行覆核隨據府縣儒學牒送冊結前來  
相應加粘印結詳覆伏乞

照詳施行

康熙六十一年十一月

日

本縣印結

江南常州府武進縣署縣事蘇州府督糧同知陳  
今於與結狀實結得故宦蔡毅趙公持已端方宅  
心忠恕致乃身而盡乃力夙夜無憾幾微上爲  
國而下爲民惠澤久周遐邇

帝心簡在

九重嘉一德之孚物望咸歸入柱立四方之則既易名  
而論定宜秩祀而建祠攸好非阿所結是實



本府看詳

江南常州府知府張 覆看得故宦恭毅趙公望  
重鈞衡勲傳鍾呂宰梁園而製節學道愛人入粉  
署以含香明刑弼教爰自望郎而司岳牧旋從行  
省而仗節旄總廉法而激濁揚清人遊化日敷德  
威而經文緯武吏立春冰湛恩騰萬戶之歡特達  
邀

九重之眷盡忠報 國誼遐恤乎身家食淡衣粗志不  
存乎溫飽一典京兆看英才盡入彀中兩校禮闈

經品題便成佳士既始終之一節且幽獨之勿欺  
緬彼懿行嘉言美斯傳而傳斯久考之官評輿論  
徵則信而信則從月旦業已咸孚馨香允宜特薦  
今據該縣及儒學核勘無異備具印封各結併事  
實冊申送前來相應加結轉詳伏乞

照詳施行

康熙六十一年十一月

本府印結

江南常州府知府張 今於與結狀實結得故宦  
恭毅趙公持躬廉介秉性樸誠氣象巖巖柔不茹  
而剛不吐德音秩秩言有物而行有恒務緩輯而  
効撫安恩流楚越肅紀綱而慎財賦望重班聯事  
得諸共見共聞已肅泯異同之論禮合乎報功報  
德彌足動激勸之思允協輿情聿光祀典所結是  
實



藩臺看詳

江南江寧蘇松常鎮淮揚徐州等處承宣布政使  
司布政使李 看得武進縣已故戶部尙書謚恭  
毅趙公當代名臣

盛朝碩輔端凝厚重毅然威鳳祥麟恭儉溫良允矣光  
風霽月梁園作宰忘後食以校簿書訪求爲藩路  
丁田而均錢穀旋厲節鉞百僚盡凜春冰移無偏  
沅萬戶群依冬日渥澤徧敷乎兩省清名上達於  
九重陟憲府之崇班孤忠自許晉司農之要秩晚節彌

貞後樂先憂久負端揆之望鞠躬盡瘁  
特邀恭毅之褒

國典旣被以

殊恩廟食宜從乎輿論茲據該府縣學查  
事實冊結詳覆前來相應轉詳伏候

憲臺批示遵行

雍正元年二月

日

三院批語

總督都院查 批

故尚書恭毅趙公清勤特受

主知剛正允孚與論生前綿伐播在宸區歿後榮施寵邀  
綸綵本部院同官十載久仰止於高山爾桑梓尸祝  
千秋宜增光於俎豆如詳速飭崇祀

撫院批示繳

巡撫都院吳、批

司農趙公

熙朝良弼

盛世元臣偉績嘉猷百職咸欽風範清忠大節

九重屢錫恩榮足矜式乎冠紳宜明馨於俎豆如詳

祠崇祀仍候

督部學院批示繳

督學院鄭批

如詳建祠崇祀仍候

督部撫都院批示繳冊結存



奉主入祠祝文

維

雍正元年歲次癸卯春三月庚辰朔越十有八日丁

酉男 經詔孫男 制同敎制仔敎筵敎位敎臨校尙

敬傳敎曾孫男 壽男彙男習男貽男念祖繩男等

格首頓首謹以剛鬣柔毛庶羞清酌 義取昭告

於

顯考

皇清誥授資政大夫戶部尙書 贈太子太保謚恭毅

松伍府君神位曰於維我

公當代偉人學宗洛閩秉性朴真道貌岸然其心則

仁功施社稷澤潤生民其棠遺愛浙水湘濱

君不可負盡瘁致身夙夜匪懈鉅細必親

衆一塵三持文柄士賴陶甄橫被磨涅不繼不磷

易名論定登荷

恩綸完節令終孰與等倫音容已渺浩氣常伸百世不

朽親此明禋尙

饗